

..... Hozanyarî navbera Zerdeşt û Eristo : ev regezê duwem berpirsyarê gunehan e, ji ber ku arîkariyeke babetî jê têye xwestin (Xêr an Şer) lê, di warê xuristiyê de, ev her du regez pir dûrî hev û din in, ji lewra regezê sêyemê, ku bi navê hêza hişmendiyê ye, tevî navbera Xêr û Şerî dinase û ew, ji layekî din ve, jêderê bîr û bawerî ye.

-2-

Zerdeşt berpirsyarîke din sipart regezê sêyem (hêza hişmendiyê) Ji ber ku jêderê bîr û baweriyê ye, hêza hişmendiyê, divêye giyanê enzan ji gunehan rizgar bikê, û rakêşeke bê tixûb ji layê rastekîne ve di mêjûwê Enzan de biçîne.

Wehanî Zerdeşt Enzan berpirsyar dibîne, ji ber ku divêye li angora vê berbaryê biçê (Mîş, Gofîş, Konîş) ango (Bawerî, Gotin, Kar) .

-3-

Di pertûka xwe de (çîrok Hozanyariye) - Will Dîyûrant- dibêje: (Birgîson) gaveke pir nixrdar û giranbuha avêt, dema ku wazyatiya veguhertîne afirand.

Lê di bawerîya min de, ev gotina ha ne dirust e, ... ji ber ku (Birgîson) binçiyê veguhertîne ne bi rengekî berî jiyaniyê vedistin; ew, bi rastî li orteya Zerdeşt û Eristo radiweste. Zerdeşt bawerî bi dijberiyê tinê, Eristo dibêje: veguhartin di qalîkan de dimîne, nahiye naveroka tiştan, ji lewra bunyad li nik wî rastekîne e, bê veguhartin (Dar Dar e) (Enzan Enzan e) (Hesp Hesp e), beramberî wana, - Birgîson - dibêje: veguhartin digihe qaçilê eyînî - tiştan - bunyadê, lê dijberiyatî li nik wîna nahiye radeya wazyatiyeke hozanyariyê.

-4-

Hozanyarê Yûnanî (Totyanos) bi navdariya (Zerdeşt, Bûda, Konfosyos) bihişt; demeke dirêj bi Zerdeşt re maye, nemaze wazeya li ser regezên xuristê (Ba, Ax, Ar, Av) baweriyê tînin. Di ber vê yekê re (Fîsazors) Hozanyarê Yûnanî yê mezin, bi pirciwanî li ser ramyariya Zerdeşt rawestîya ye, û bawerî bi gelek ramanên wêna anîye.

-5-

Hozanyarê mezinî Yûnanî (Platon), tevî ku li ser Zerdeşt dibêje: (hişmendê herî giranbuha), dijberî hozanyariya wîna radiweste û bingeha dibistana Yûnanî di hozanyarî û ramyariyê de ava dike; (Platon) dibêje: ku cîhana pelandî gomanêke mezin e, ji ber ku rastîya tiştan ne pelandî ye, lê wazeyîne e, dema ku merov tiştêkî dibîne, ew wî tiştî bi xwe nabîne, lê wênêyê wî tiştî tê bîra wîna û ev bîranîna ha ne ji tîkelîya navbera merov û wî tiştî ye, na xêr, lê ew bîranîna di cîhana wazeyîne de û her weha, tu rastîya tiştêkî hiç tune ye, merov ji wazeyînekê diçe wazeyîneke din.

-6-

Hozanyarê bilind yê Elmanî (Niştê) xwe bi xurtî sipart ramyariya Zerdeşt, nemaze wazeya wî ya pir navdar (vîna jînê).

Mixabin gelek Ramanvan, mîna (Rojê Garodî, Abbas Mahmûd Al-A'kad, û Bakir Al-Seder) ev babet bi çewtî rave kirine; ew goman dikin, ku (Niştê) dijberî Zerdeşt e û dixwaze enzan hemû li hev bicivin û bi arîkariya hêzên serî Xwedan bimrînin.

Ji ber ku (Niştê) hozanyariya xwe li ser " mirina Yezdan " ava kiriye. bawerîya min de, bêtar ne bi vî haweyî tê tîgihîştin.

(Niştê) bawerî bi du ramanên Zerdeştî tîne:

- 1- binçiyê dijberîtiyê.
2- Vîna jînê , ango vîna enzan e .

Zerdeşt xwe û Enzan di naveroka Xwedanê Xêrê û Xwedanê Şerî de dibîne.

(Niştê Enzan li jorî dibîne, bêyî ku naveroka (Xwedan) beravêti bibe. Niştê dibêje: hey firendeyê mezin, bê dest û zinarê min, bê çiya û newalê min, tu giranbuhayî ya firandîna te tune ye. Dîsan Niştê berdeham dike: hey roja ronîwer, bê simbilê genimê min, bê şikeft û warên min, tu giranbuhayî ya tîrêjên te tune ne

-7-

• Tomas Ekwînî, hozanyarê mezinî xwedêyatiyê, bi rengekî din li van bêtaran dinehêre :

• Zerdeşt dibêje: ku vîna jînê bi arîkariya hêza hişmendiyê, dîrokê pêş dixê û dîrok pêş dikeve.

• Niştê dibêje: ku vîna enzan mîna wazyatiyeke herî helmût mîkanîzma dîrokê diafirîne.

• Freud dibêje: ku tov (cîns) rêçika dîrokî şîrove dike.

• Marks dibêje: ku Aborî tîgihîştina mêjûwî berçavî dike.

• Tomas Ekwînî dibêje: ku sêyemîniyatiya pîroz (Bav, Law, û giyanê pîroz) rê dide Law ku bi roleke pir giring û hêja bilîze.

Law bi xwîna xwe enzan ji gunehê serekî rizgar dike, ji lewra jê re

-8-

Eristo, hozanyarê bilindî Yûnanî û hozanyarên Musilman, mîna (îmam Al-Xezalî, Ibin Tufeyl, Farabî) di gelek waran de dijberî bi ramyariya Zerdeşt kirine, nemaze li ser binçiyê dijberîtiyê . ew dibêjin, ku dijberîtiyê di mêjûwê de tune ye, pêşveçûna xweberî girêdayîye bi vîna û daxwaza Xwedan ve.

Lê ji layê din, Eristo li angora hozanyariya Zerdeşt ramîya ye, nemaze derbarî regezê çêbûna Enzan, yê li nik Zerdeşt ev in

1- Regezê bedena mirov, ku divê hilweşe û bîkêsim, di dawî de bimîne .

2- Regezê hêza hişmendiyê, ya ku bi vîna enzan ve girêdayî ye û bi regezê sêyem re arîkar e.

3- Regezê giyanî yê semedî .

Eristo dûrî vanher sê wazeyan ne ketîye, ji ber ku, ew jî bawer dike ku Enzan ji van regezan e:

1- Bedenekî pelandî berhilweşiya yî, di vîna dawî de tewrê

xwe wenda bike mîna: (Şînkayetî, Dar, Gul, Pincar... h. d .) .

1-2- Hêzên dirûnî yên ku di encama dawî de dûrî bedenê pelandî wer nakevin, mîna hêzên jindeweran (Hesp, Gur, Dîk ... h.d .).

Hêzên huşmendiyê yên ku tenê bi Enzan ve girêdayî ne .

-9-

Di vîna rojgara nûjen de gelek ramanvan nêzahiyê li hozanyariya Zerdeşt dikin, mîna: (Sartir, Garûdî, " berî Musulmantîya wî ", û Herbert Markyoz) di warê dijberîtiyê de; û (Seyd Qutub, Mihamed Qutub, Baqir Al-Seder û Al-seyx Nedîm Al-Cisir) di

warê regezên çêbûna enzan de.

* Nivîskar û rojnamevanekî Kurdîstana rojava ya, li Elmaniya

Ferhengok:

- 1- Eyîn - to be
2- Binçî - principe
3- Mêjûwî - dîrokî
4- Dijberiyatî - contradiction
5- Berbare - mû'adelet
6- Sêyaminîyatî - Al-thalut
7- Rastekîne - mûtleg
8- Pewdan - mustewa
9- Xweberî - naturel

Dr.:Barî

Stara diya Gilgamêş

Li welatê kurdan pîrek hebû aqilbelav dikir,rojekê ji rojan ew nexweş ket,duxtor û hekîm jiher derdoran hatin ser pîrê û hemî rengên dermanan danê ,lê tişteke neguhertin,tenê yekî ji wan hekîman got:

Pîra delal dermanan tişteke ji rewşa te baş nekirin,şîreteke minî dawî heye,ez hêvî dikim tu pêk binî,dibe ku baş be ji te re.

_ka bêje hekîmo....tu jî ya xwe bêje! _Ez dibêjim ku tu vî bizrê zarokan rawestîni ,wê hebekî baş be jibo te,birastî min nediye kesî weke te zarok anîne û hevqas temen(emir) kiriye û berê xwe da zarokên pîrê(yên nayên jimartin).

Li gorî hikmeta min girtiye ji jiyane,ez dibêjim anîna zarokan berdehamiya pîra diya we bû , wê ber bi alozî û nexweşiyê ve dibe û dibe ku ev tişt bibe sebebê ku ew jiyana xwe ji dest bide.Kenekî bilind bi koma zarokan ket ,li hev nerîn û ji xwe re ketin tenazan, ji fediya xwe hekîm ji nav wan derket,pîrê bi kenekî çêkirî(ne jidil)pîrsî:

Mesele çîye ? Çend lawên wê yên eşqî qerebalix,bi hev re gotin: Dayê ew nizanê tu ji welatê GILGAMÊŞÎ tenê te giyayê jiyana sermedî xwariye û tu caran tu namirî. Pîrê bi xemgînî ji koma zarokên xwe re got:

Ma ewê ji kû zani be evê sira veşartî ku ew çêkir û min û we bawer kir.

Pîrê ji qehra bawerkirinê çavên xwe girtin û li GILGAMÊŞ gerîya,gerîya.....gerîya bi çendê salan li rastiya derewa zarokên xwe gerîya.....heta li çolekê westiya,zarokên wê:kesko,soro û zero hatin cemê û her yekî ji wan perçek ji kirasê wê yê xweşik yê kesk û sor û zer birin, kesko kesk bir soro sor bir û zero jî zer bir her yekî ji wan di got:Dayê ezê bi vî rengî gulîstanekê ji te re çêkim,pîrê dimîne tazî ,serme dide wê,nexweş dikeve,bi salan rewşa wê zor dibe,Îzraîlê mirinê tê ser, lê ew dikê û nakê nikarê (stara) xwe veşêre,gotin û xeberan ji zarokên xwe re dide,ku ew çawa tazî hiştin,ji qehra dilê xwe destê xwe li ser (stara) xwe diguvehêse ta xwe birîn dike,bi şewata birînê re pîrê ji xew hildîçîne,ku şiyar bû dît ku waye zarokên wê jî wî razayî ne,destê xwe di ser laşê xwe re bir ,dilê wê kete cih,ku kirasê wê yê ji dema Qazî Mihemed ve wî lê ye û (stara) wê nuxumandiye,pêre-pêre meleyê barbangê bang da.....û bang da lê yek ji zarwên pîrê ranebû nimêjê û ne yek jî bi xwe hisiyê, ji bilî yekî biçûk, piştî demekê ji ramandinê pîrê hêrs da xwe rabû û got:Ya baş ew e ku ez hersê perçê kirasê xwe yên (kesk û sor û zer) bi hev re qenc bidirûm û asê bikim çêtir e ku ev zarokên min kesko,soro û zero her yekî perçekî ji xwe re gulîstanekê çêbike û ez bêfedî herim ber destê xudayê xwe.

Tîpên gir û hûr

Ji bilî mercên li jêr rêzkirî, tîp, di kurmançî de, herdem hûr tîp nivîsandin:

1- Nasnav, bi tîpa gir dest pê dikin. Nasnav, navên mirov, bajar, çem, çiya, cih û deveran e. Ev nav tiştêkî taybet yan jî, mirovekî didin nasîn û tenê ji bo wî tiştî yan wî mirovî tîp bi kar anîn:

Azad Ez çûm mala Azad
Amed Bajare Amedê pir xweş e.
Ferad Çemê Ferad dirêj e.

2-Her dem hevok bi tîpa gir dest pê dike: Roja Newrozê ez li bajarê Hewlêrê bûm. Min li kolanê Hogir dît. Wî rojname dikirî.

1- Ku mirov bixwaze ji bo balkêşiyê, peyvekê, di hevokê de, ber çav bike, dikare bi tîpa gir binivîse: Tişteke ji AZADIYÊ bi rûmetir nîn e. Qedexekirina zimanê kurdî, ji bo mirovahiyê ŞERMEK mezin e.

2- Sernivîs, bi tîpên gir tîp nivîsandin: RASTNIVÎSA KURDÎ Yan jî Rastnivîsa Kurdî

3- Navên pirtûk, rojname û kovaran: PÊL (Pêl), QENDÎL (Qendîl), PÊNÛS(Pênûs)

4- Textik, depik û pankertên bangeşiyê dikarin gir bîp nivîsandin: QENDÎL BIXWÎNIN Û BIDIN XWENDIN

Rastnivîsa lêkeran. 1-Di veguhastîne de, pêşgînên demîn û yên nakirinê(di, bi, na, ne) pêşiya lêker digirin û pê ve tîp nivîsandin:

Ez diçim welat. Ez naçim welat.
Ezê biçim welat. Ezê neçim welat.
Ez neçûm welat.

Ku lêker cemkirî be, ev pêşgîn pêşiya perçeyê dawî ji lêker digirin. Herweha lêker bi xwe perçe dibe û perçeyên wî cuda dibin ji bilî lêkerên bi pêşpirtikên (ra, ba, ve, hil...) saz dibin:

Veşartin Ez xwe vedişêrin. (venaşêrim)
Hilgirtin Ez vî barî hildigirim. (hîlnagirim)
Razan Ez pir dereng radizim. (ranazim)
Sazkirin Ez hevokan saz dikim. (saz nakim)
Sorkirin Ez hêkan sor dikim. (sor nakim)
Serhildan Em ji îro ve, serî hildidin.
Jihevçûn Ji hev diçin. (ji hev naçin)
Bihevketin Em bi hev dikevin. (bi hev nakevin)